



Oifig an Aire Oideachais agus Scileanna
Office of the Minister for Education and Skills

An tUas. Caoimhín Ó hEaghra
Ard-Rúnaí
An Foras Pátrúnachta
Bloc K3
Campas Gnó Mhaigh Nuad,
Maigh Nuad,
Co. Chill Dara

Iúil 2016

Re: An próiseas pátrúnachta i ndáil le bunscoil nua a bhunú chun freastal ar cheantar pleánála scoile Dhroim Conrach/Marino/Bhaile Átha Cliath 1

A Chaoimhín, a chara

Tagraím don litir uait dar dáta 23 Bealtaine seo caite maidir leis an bhfógra le déanaí faoi phátrúnacht na bunscoile nua a bhunú chun freastal ar cheantar pleánála scoile Dhroim Conrach/Marino/Bhaile Átha Cliath 1 agus don iarratas uait thar ceann An Fhorais Phátrúnachta go ndéanfaí an cinneadh a athbhreithniú. Tá na nithe atá lúaite agat sa litir nótáilte agam agus tá an cheist athbhreithnithe agam mar a iarradh.

Tá gá le scoil nua i gceantar pleánála scoile Dhroim Conrach/Marino/Bhaile Átha Cliath 1 chun freastal ar riachtanas déimeagrafach. Cuireadh an próiseas roghnaithe pátrúin ar an scoil nua i gcrích i mbealach cothrom, tréadhearcach. Iarradh ar iarratasóirí sainroghanna i bhfabhar na samhla scoile acu féin ó thuismitheoirí a raibh cónaí orthu sa cheantar pleánála scoile a chur faoi bhráid.

Tuigim gur chuir An Foras Pátrúnachta faoi bhráid 361 sainrogha bailí ag tuismitheoirí laistigh den cheantar pleánála scoile agus go mba láidir an t-iarratas é sin. Mar sin féin, ba gheall le dhá oiread an lín sin leibhéal na sainroghanna ag tuismitheoirí i bhfabhar scoile faoi phátrúnacht Educate Together mar go raibh 622 sainrogha bailí ag tuismitheoirí ina fhabhar sin.

Is eol duit gan dabht go ndéanann an Roinn soláthar scoileanna a phleanáil thar chreatlach de 314 ceantar pleánála scoile d'fhoinn riachtanais dhéimeagrafacha athraitheacha ar fud na tíre a mheasúnú agus a shásamh. As measc na 733 páiste ar bailíodh sainrogha i bhfabhar Gaelscoile ina leith bhí cónaí ar 332 díobh go hiarbhír lasmuigh de cheantar Dhroim Conrach/Marino/Bhaile Átha Cliath 1, cé gurb é is aidhm do sholáthar na scoile ná freastal ar an bhfás déimeagrafach réamh-mheasta laistigh den cheantar sin.

Tá an-taithí ag an bhForas ar fheidhmiú an phróisis phátrúnachta agus bheadh a fhios acu nár bhfhéidir na sainroghanna seo as taobh amuigh den cheantar pleánála scoile a chur san áireamh.

Tuigim gur ábhar diomá é seo, go háirithe i gcás tuismitheoirí a raibh dóchas tugtha dóibh, ach faoi spáinnearmaí foilsithe maidir leis an bpróiseas i gcomhair bunaithe scoileanna nua chun freastal ar an



riachtanas déimeagrafach ní mór cloí le teorainn an cheantair phleanála scoile ar mhaithe le cothroime agus trédhearcacht.

Is eol dom go mb'fhéidir go mbeadh amhras ar an bhForas faoi ghnéithe d'fheidhmiú an phróisis i gcoitinne agus beidh mé sásta é seo a phlé ag cruinnithe atá le tarlú go luath leis na príomhchomhlachtaí pátrúnachta agus le páirtithe leasmhara eile.

Cuireadh an tuarascáil mheasúnaithe faoin bpróiseas pátrúnachta seo faoi bhráid an Ghrúpa um Bunú Scoileanna Nua, grúpa neamhspleách, lena cur faoi chaibidil agus lena hathbhreithniú. Sa tuarascáil a fuair mé uathu, dheimhnigh an Grúpa gur cuireadh critéir an phróisis i bhfeidhm go cothrom, trédhearcach i leith na n-iarratas a fuarhas agus go raibh siad féin deimhin de go raibh na moltaí maidir le pátrúnacht na scoileanna nua de réir na gceanglas agus na gcritéar seo agus gur tugadh aird mar ba chuí ar an leibhéal éilimh ó thuismitheoirí a léiríodh sna hiarratais.

Thug an Grúpa faoi deara chomh maith an leibhéal ard éilimh ar oideachas trí Ghaeilge sa cheantar agus mhol siad go ndéanfaí athbhreithniú leanúnach air seo i gcomhthéacs staidéar leanúnach déimeagrafach. Mar sin féin, mhol an Grúpa go soiléir go mba cheart an phátrúnacht ar an scoil nua do Dhroim Conrach/Marino/Bhaile Átha Cliath 1 a bhronnadh ar Educate Together. Ghlac mé le moladh an Ghrúpa agus ní fheicim aon bhonn cirt leis an gcinneadh seo a chur ar ceal.

Ós rud é go léiríonn an t-eolas déimeagrafach atá le fáil don Roinn ag an am seo gur gá scoil amháin a bhunú, táim deimhin de go ndearnadh an cinneadh ceart sna tosca. Tá mo Roinnse dírithe ar a chinntí go mbíonn ar cumas comhcheangailte na scoileanna i gceantar freastal ar na daltaí ar fad atá ina gcónaí sa cheantar sin agus ag iarraidh ionad scoile.

Tá iarrtha agam ar mo chuid oifigeach athbhreithniú leanúnach a dhéanamh ar cheantar Dhroim Conrach/Marino/Bhaile Átha Cliath 1 agus sonraí nuashonraithe maidir le sochar páistí a chur san áireamh, mar aon le sonraí maidir le rollacháin agus le tionchar na méaduithe atá á gcur agus á mbeartú ar an gcumas sa cheantar seo agus i gceantair phleanála scoile eile in aice láimhe.

Maidir le soláthar lánGhaelach sa cheantar seo, nótálim go bhfuil trí bhunscoil laistigh den cheantar ag soláthar oideachais trí mheán na Gaeilge, mar atá Scoil Chaoimhín (UR 19831B) i Sráid Mhaoilbhríde, Gaelscoil Choláiste Mhuire (UR 19926M) i gCearnóg Parnell agus Scoil Móibhí (UR 19395H) Glas Naón, Baile Átha Cliath 9.

Tuigim go maith gur ábhar díomá don eagraíocht agat an fógra ag an am seo. Mar a mhínígh mé thusa, áfach, déanfar athbhreithniú i gcónaí ar dhéimeagrafaic an cheantair fháis seo agus aird á tabhairt ach go háirithe ar an tuairim a nocth an Grúpa um Bunú Scoileanna Nua maidir leis an leibhéal ard éilimh ar oideachas trí Ghaeilge sa cheantar.

Mo bhúiochas arís as an gcomhghairdeas cineálta a rinne tú liom as mo cheapadh mar Aire. Ba mhian liom chomh maith an deis seo a thapú gach rath a ghuí ort le bunú agus forbairt na Gaelscoile nua do Bhaile na nGabhar/Stigh Lorgan, ar éirigh leis an bhForas an phátrúnacht orthu a bhaint amach faoin bpróiseas seo.

Mise le meas,



Richard Bruton, TD
Aire Oideachais & Scileanna